

que attenuatis subintegerrimis pilis brevibus adpressis rigidis scabris, floribus axillaribus solitariis geminisve, pedunculis folio brevioribus, seminum angulis crassioribus granulatis.

Hab. ad thermas prope Tan-schan. Floret Majo. ○.

225. *Prenanthes lyrata*. Thb.

Hab. rario in humidis prope Tan-dshe-ssy. Floret Majo.

226. *Prenanthes sonchifolia*. VV.

Hab. frequens in muris, ruderatis et montosis prope Pekinum; floret Aprili, Majo. ①. ②.

227. *Prenanthes versicolor*. Fisch.

Hab. frequens cum praecedente. Floret Aprili, Majo. ♀.

Bene convenit cum planta sibirica: flores tantum lutei et albidi occurunt.

228. *Sonchus lacturoides*. Bge.

S. caule erecto simplici glabrato, foliis radicalibus caulinisque inferioribus in petiolum attenuatis runcinato-pinnatisidis denticulatis subtus tenuissime flocosis, demum glabratris, superioribus oblongo-linearibus integerrimis denticulatisve, floribus paniculatis, pedunculis bracteis subglabris, anthodio glabro, seminibus compressis glabris.

Hab. in subhumidis prope Kan-tai. Floret Junio. ♀.

229. *Leontodon Taraxacum*. L.

Occurrit rario in hortis. Floret Aprili, Majo. ♀.

Variat foliis integris et runcinatis; squamis anthodii appendiculatis.

230. *Scorzonera albicaulis*. Bge.

Sc. caule folioso sub 3 — (2 — 6)-floro pedunculisque albo tomentosis, foliis linearibus elongatis basi flocosis demum glabratris nervosis omnibus planis, anthodio pubescente flosculis breviore, seminibus glabris.

Hab. ad radices montium septentrionalium prope Lun-zuan-ssy. Floret Majo. ♀.

Flores pallide rosei.